

# 庶物類纂

水屬  
自二十八至二十九


容

第百廿八函

太政官文庫			
和書門	特別	三三三六二	號類
	第五十番	架函	冊
四六五			



内閣文庫			
番號	和	32362	
冊數	465(104)		
函號	特	.54	1

共廿二









庶物類纂水屬卷之二十八目次

池水

澤水

弱水


黑水

白水

庶物類纂

卷二十八

水屬目次



池水


俗名 噎<sup>イ</sup>客<sup>ケ</sup>迷<sup>ミ</sup>紫<sup>シ</sup>

水屬

池水

二





池水

朱公居陶齊威王聘朱公問之曰聞公在湖為漁父  
 在齊為鵠夷子皮在西戎為赤精子在越為范蠡有  
 之曰有之曰公足住千萬家累億金何術朱公曰夫  
 治生之法有五水畜第一水畜魚也以六畝地為池  
 池中有九州求懷子鯉魚長三尺者二十頭壯鯉魚  
 長三尺者四頭以二月上庚日內池中令水無聲魚  
 必生至四月內一神字六月內二神字八月內三神  
 字神字者鱉也內鱉則魚不復飛去在池中周遶九



洲無窮自謂江湖也。至來年二月得魚長一尺者一  
 萬五千枚，三尺者五千枚，二尺者萬枚，直五千得錢  
 一百二十五萬。至明年一尺者十萬枚，二尺者五萬  
 枚，三尺者五萬枚，長四尺者四萬枚，留長二尺者二  
 千枚，作種所餘皆貨得錢五百一十萬。候至明年不  
 可勝計也。王乃于后苑治池，一年得錢三十餘萬。池  
 中九洲，八谷，谷上立水二尺，谷中立水六尺，所以養  
 鯉，不相食，易長不費也。范蠡養魚經。唐荆川稗編。  
 池水渾濁，以瓶入糞，用箬包扎之，投水中，則清。宋蘇軾物

類相感志  
○說郭

池塘陂湖河埭蓄水以溉田者，須於每年冬月水涸  
 之際，浚之使深，築之使固。遇天時亢旱，雖不至於大  
 稔，亦不至於全損。今人往往於亢旱之際，常思修治，  
 至收刈之後，則忘之矣。諺所謂三月思種桑，六月思  
 築塘，蓋傷人之無遠慮如此。宋遠采世範。唐宋叢書。  
 崇寧間，西都大內患苑中池水易涸，或云置牛骨池  
 中，水不涸。置之果然。時范時老董役親見之。邵氏後錄。錦

花谷  
 編萬  
 水屬  
 池水  
 四




永樂八年六月初二日發凝翠岡午經澗灤海子上  
令幼孜數人往觀去營可五六里有山如長堤以限  
水海子甚濶望之者無畔岸遙望水高如山但見白  
浪隱隱自高而下天下之物莫平於水嘗經江湖間  
望水無不平者獨此水遠見如山之高近處若極下  
此理極不可曉觀畢復命上曰此水周圍千餘里幹  
難臚胸凡七河注其中故大也遂賜名曰玄冥池明金  
幼孜北征錄  
續說郛  
孔安國曰停水曰池廣雅云沼池也風俗通曰孫子

有金城湯池之說後人因此開地為池以養魚鰲圓

曰池曲曰沼 明陳希顏事  
言要玄集

皇明宣德間置白紙局就池造紙洧濁久之局廢而  
泉復冽矣旁一小池水翠綠雖以白粉投之亦成綠  
色白樂天詩湛湛玉泉色悠悠浮雲身間心對定水  
清淨兩無塵手把青筠杖頭戴白綸巾興盡下山去  
知我是何人 明田汝成西  
湖遊覽志  
大康五年六月任城魯國池水皆赤如血按劉向說  
近火沴水聽不聰之罰 袁州  
府志





墨池在縣學立心堂後池中產鯽皆墨色異他沼廬

縣志

宋眞宗十三年王右軍墨池水色變黑如雲後晏王諸君相

繼拜相○臨川縣志

康熙九年庚戌十月朔文廟泮池澄清徹底細石游

鱗歷歷可數越七日而水復渾交城縣志

牡丹池牡丹坪上此池片葉纖芥或墜於中則鴛鴦

野鷺之類卽啣出之四川總志

化癭池在縣西四十里栢林里濶十八畝有癭者飲

之可化武安縣志

丹池在金庭山府志云赤水丹池深可二三丈水色

赤勻之潔白神龍窟也嶧縣志

半月池望夜中宵天上之月如鏡池中月如鈎德安

府志

古龍壇在治南數十步三思橋東荷池中池水皆碧

獨湫渦方廣似許清冽瑩然岸側古樹參差嘉定戊

辰四月二十七日湫中有異物如員魚人有披荷睇

盼者魚則冉冉浮動俄而雲滃風怒驟雨傾盆其人



錯愕匍匐卧柳下見魚物一躍起去尾類白蛇而雨  
電特甚有巫投牒石馬龍井中祈雨者翌日牒出此  
湫雨亦隨足是後凡祈雨必先之于此而後往謂之  
龍壇今池固依然而壇湫不知其處矣龍泉縣志

熱水池都司治北七十里池水常熱流入越溪河合

瀘水接金沙江中四川總志

拘月灣池句容縣西葛仙菴每中秋月圓則水中影

方半相傳葛稚川幻術也江寧府志

墨池在城東郭里許易三接山水紀云陳眉公誤以

零陵墨池在衡山城外不知懷素自叙為零陵人築

菴於此種蕉萬樹學書名菴曰綠天浣墨有池池水

皆墨歲筆有塚覆以石塔今者山無菴蕉無綠池無

墨筆無塚而塔頂斷殘尚伏叢莽中煙雲冷艸樹荒

不見醉僧一字矣零陵縣志

墨池羅孟郊善書法常臨池滌硯池盡黑因名興寧縣志

水火二池衛城普光寺內左為火四時皆涸雪下隨

化右為水涓涓不竭魚蝦上浮水甘可飲永定衛志

孔安國曰涇水曰池圓曰池方曰沼



毛詩曰東門之池可以沤麻

淮南子曰陰氣極則下至黃泉故不可鑿池穿井

顧子曰與子華遊東池子華曰水有四德池為一焉

沐浴群生澤流萬世仁也揚清激濁滌蕩塵穢義也

弱而能勝勇也導江疏河變盈流謙智也顧子曰我

得汝於池上矣

琅環雜記曰倉公夢遊蓬萊山見宮室崔嵬金碧嶮

璨忽一童子以杯水進倉公飲畢五內寒徹仰首見

殿榜曰上池仙館始知飲乃上池水也由是神於眡

脉

綱目集覽云望江縣王祥池雖極凍其中有人形

拾遺記曰員嶠山西有星池周千里水色隨四時變

化有神龜出爛石之上此石常浮水際方數百里其

色多紅質虛似肺燒有煙香聞數百里煙氣升天則

成香雲遍潤則成香雨

永州郡後有池淬鐵為戍器名鐵作池

宋洛陽董氏有大池中為堂榜曰含碧水四面噴瀉

醉者輒醒故名醒酒淵鑑類函



池州東流縣東歷山上有二池其一嘗乾雖久雨不停其一嘗溢雖久旱不涸清來元成博學彙書  
無為州天井山頂有池出泉四時不涸弘治間池偶湧沸流出一敞船船有蓬蓬有斲繩明朱國禎湧幢小品

澤水

倍名煞ハ法迷ハ紫ツ




澤水


謹按尚書雷夏既澤詩云彼澤之陂有蒲與荷傳曰  
 水草交厝名之為澤澤者言其潤澤萬物以阜民用  
 也春秋左氏傳澤之莞蒲舟鮫守之韓詩內傳曰舜  
 漁雷澤雷澤在濟陰城陽縣

風俗通義  
漢魏叢書





弱水





庶物類纂卷之...

弱水

鳳麟洲在西海之中央地方一千五百里洲四面有弱水繞之鴻毛浮不可越也

漢東方朔海內十洲記○說郭

機謹按疑毛字下脫不字也

夫餘在長城之北去玄菟千里南與高句麗東與挹

婁西與鮮卑接北有弱水方可二千里

魏書○集事洲海

東海中有弱水不勝鴻毛至則必溺故名又西海中

亦有弱水西海今西寧衛西三百里弱水在甘州之

西秦乞伏熾磐討吐谷渾覓地于弱水南大破之覓



地降署為弱水護軍又道經廣野山北海弱水中明田

藝蘅留音日札

蓬萊山有弱水隔之羽亦沉非飛仙不能到明范貞一典藉

覽便

弱水不載物乃氣下旋急吸也清饒桐方氏物理小識

黑水

一名淄水齊乘 一名墨泉邦城縣志



水經注卷之八

### 黑水

墨山膠水東北六十里石色如墨故名水出茲山亦

名墨水元于思容齊乘

淄水按地志水黑為淄元和志云俗傳禹理水功畢

土石黑數里之中波流皆黑故謂之淄水也同上

黑水部即今女真其水掬之則色微黑契丹目為混

同江深二十丈餘狹處可六七十步濶者至百步元

文懋昭金志○說郭

黑溪在南荒其水墨黑能制象明范泓本典籍便覽

水屬 黑水 二



水屬

墨江在南雄縣西十五里源出翁源縣界水如墨故名今有階石駟舊址即舊斜階縣也明陳仁錫潛確居類書  
漳州界有一水號烏脚溪涉者足皆如墨數十里間水皆不可飲飲則病瘴行人皆載水自隨梅龍圖儀官州縣時沿牒至漳州素多病預憂瘴癘為害至烏脚溪使數人肩荷之以物蒙身恐為毒水霑兢惕過甚睢盱矍鑠忽墜水中至于沒頂乃出之舉體黑如崑崙自謂必死然自此宿病盡除頗覺康健無復昔之羸瘵又不知何也事文類聚○集事淵海

機謹按事言要言谿谷條引筆談自隨作自行水霑之間有所字

西海島間水如脂而黑他物盛之皆滴漏惟牛角可貯南海以媒野象塗少許于樹葉間象拂着身心遲迴不忝崑崙奴亦塗身便乘之而歸若家畜焉○路史明

陳耀文天中記

拾地志云肅慎氏即今靺鞨有黑水靺鞨渤海靺鞨沈括曰黑山在大幕之北有城在其西南名慶州守奉使嘗帳宿其下土石皆紫黑水出其西所謂黑水

水屬 黑水 三



水經注卷三十一

也。鞞居黑水之北，因名黑水。鞞居扶餘城，為阿

保機所滅，改東丹國。遼東志略。說郭

屢潭在城西隍內，水黑色，四時不竭，俗名黑池壩。廬

府志

昇高山，縣西南十二里，山陰有黑洿，可三畝餘，其水

染衣頃成黑色。蕭縣志

墨泉在縣舊城東北，即皂河發源處，其色如墨，故名

墨泉。世傳有關文運明時，土人以其水毒殺稼，故用

鐵鍋以壓塞之。國朝邑令張應瑞欲尋泉開鑿，故穴

未能得，遂不果。識者惜之。郟城縣志

水之黑者，禹貢導黑水至于三危，入于南海者，是也。

程石門滇補云：漢張騫言河有兩源，一出於闐，一出

葱嶺。唐薛元鼎云：得河源于崑崙，之水赤黃黑青水

以方異。禹本記言河出崑崙，去嵩高五萬里，水自積

石三十里而至龍門，何見其色以方異耶？山海經云

西南流注于醜塗之水，黑水出焉。禹貢黑水西河，惟

雍州華陽，黑水惟梁州。又曰：導黑水至于三危，入于

南海。三危即今麗江，今滇之瀾滄江、潞江二水皆出



吐蕃西北來迤邐入于雲南郡縣之界至交趾入海  
按名勝志瀾滄江在蒙化府城西南五十里出吐蕃  
嵯和縣甸南流永昌羅岷山少東至順寧府境崑崙  
山又東歷景東境入南海即禹貢所稱黑水是矣迤  
西之水此為經蒙氏立國以此為四瀆之一說畧云  
水之在雍州名黑水者有六若其入積石河者乃平  
涼及寧夏衛之黑水而非張掖之黑水志今輿地肅  
州有黑水南流去積石幾及三百里不與積石相通  
此為禹貢之黑水無疑咸通中樊綽宣慰安南著為

蠻書曰蠻水之南流入南海者有四曰區江曰西洱  
河曰麗水曰瀾若江其曰麗水即古之黑水也又西  
洱河與漢志榆葉澤相貫榆葉漸漬成黑又右黑水  
祠在益州然此黑水乃成都安縣南之黑水而非禹  
貢之黑水也

清來元成  
博學彙書

梁四公記云黑谷之北有漆海毛羽染之皆黑

同上

蕭縣勝高之山山陰有黑塢至秋積雨其中染人衣  
即成黑色古置黑沙城名本此

同上

泊宅篇云山陰蘭亭有王逸少硯池寺曰天章以藏



真廟御製也當時朝廷每有頒詔禮則池水盡黑可  
以染緇太常少卿沈仲常紀之珍珠船云會稽墨池  
每朝廷恩命將至池墨必見前後不爽其將見則池  
際水上浮浮圓結既大如斗渙散滿池雲舒霞卷烟  
光粲爛如新研墨下流水復清徹忽三日連發人疑  
其數謂將無驗未幾太宗真宗仁宗三朝皆至御書

同上

游宦紀聞云玉乳泉在丹陽縣練湖上觀音寺中本  
一小井舊傳水潔如玉連州太守張思順以淳熙十

三年沿檄經田專往訪索僧蹙額而言此泉變為昏  
黑已數十年矣初疑其給乃視往驗視果如黑汁嗟  
愴不足因題壁曰觀音寺裏泉經品今日惟存玉乳  
名定是年來無陸子甘香收入柳枝瓶明年攝邑六  
月出迎客後至寺再汲泉又變白置器中若雲行水  
影中雖不極清而味絕勝詰其故蓋紹興初宗室攢  
祖母柩于井左泉遂壞改遷不數日泉如故則水之  
黑白又變幻不常如此耳

同上

北轅錄云盧溝河即盧龍也燕人呼水為龍呼黑為



盧亦謂黑水河色黑而濁其急如箭同上

統志曰南荒有黑溪閩漳又有烏脚溪涉者足皆如

墨淵鑑類函

白水

水屬

白水

一



白水

僧權道人居晉安霍山見白水異常飲之甘如醴出名

山記○明璩崑玉古今類書纂要

水之白者江陰張誼宦遊紀聞云弘治辛酉仲夏二  
日夜分古渝城上忽白光映天見者驚異爭起視之  
但見渝水明耀浮光上燭而已次早驗之宛如豆汁  
人不敢飲踰三日始澄清叙州府使人探流至木川  
長官司抵崇山峻嶺材木翳鬱阻不能前詢之父老  
言此水發源自建昌從來未有此變清來元成博學彙書



紹興府廣化寺側有白乳泉其水白如漿須澄之至清有白沙如漿粉棄去取泉烹之其味甘冽僧具德住其旁多年朝夕飲此水體本瘦弱後變成肥大之軀面焉

同上

庶物類纂水屬卷之二十九目次

- 紫水
- 赤水
- 綠水
- 二色水
- 五色水
- 石駝溺
- 酸水
- 苦水



本草綱目卷之九

耳水  
香水

紫水

本草綱目卷之九

水屬  
紫水



紫水

杜陽雜編南昌國有紫海水色如爛椹可以染衣其

魚龍龜鼈沙石草木無不紫者明彭太翼山堂肆考

武都紫水有泥其色紫而粘貢之用封璽書故詔誥

有紫泥之美龍右記○明陳耀文天中記

一統志曰紫泉源自新城西北龍堂上湧書淵鑑類函

湖廣靖州紫井在永興北其泉紫色重于他水銅壺

漏此水以定時刻清來元成博學彙書

廣東新會縣大雲山有龍窟其下紫水出宋皇祐間



其水變紫者旬日

同上

廣西貴縣縣南鬱江之旁有紫泉無源偶現紫色輒符佳應自是邑人每候以為祥洪武元年十一月己未泉出溢流于江其色淡紫光潔可染時葉琛勅諭交趾州守鄒天琦為之頌又云其水有兩派共出其出不常出則有異應自縣門流下者必擢賢守令或出英俊縣上流下者應在僚屬其水長而狹色如紫

練同上

紫泉在鬱林州南二里舊名濯纓泉忽變紫改今名

一統志大同有紫河又陝西階州境有紫溪漢封爾書用武都紫泥即此水泥也

同上



赤水

一名紅泉


博學  
彙書

水屬

赤水

一





赤水

鐵甸其族野居皮帳而人剛勇其地少草木水鹹濁  
色如血澄之久而後可飲又東女真善射多牛鹿野  
狗其人無定居行以牛負物遇雨則張革為屋常作  
鹿鳴呼鹿而射之食其生肉能釀麩為酒醉則縛之  
而睡醒而後解不然則殺人

五代史  
集事淵海

九州要記陽安縣南七十步有赤水如絳源出隆州  
今治西二里絳溪是也

明曹學佺  
名勝志

莆田城山有紅泉在觀察廟後水作紅色林光朝講



學之地

清來元成  
博學彙書


異苑云永寧縣濤山有河水色紅赤有自然石橋多魚獺異禽時聞靴角聲甚亮同上

槎庵小乘云萬曆四十六年四月禮部一本水異駭觀天心示儆乞聖明加意修省以圖消弭事祠祭司案呈本月內京師喧傳城河水赤臣等隨于二十五日親詣觀看見西自宣武門外東响閘起至正陽門外御河閘止約長三里許水色盡赤深紅紫暗狀如積敗之血委係異常相應題請修省云云四十七年

四月中長陽門外御河水復殷赤如前時正遼陽三路喪師之候同上

一統志紅泉在涼州衛城東五十里水色微紅又紅水在肅州衛城東南三十里源出衛南山谷中下流與黑水白水合又紅鹽池在山丹衛城南五百里池產紅鹽同上





綠水

水屬

綠水

一



水經集注卷之九



綠水

十洲記東有碧海廣狹與東海等水鹹苦正碧色

明彭

大翼山

堂肆考

杜陽編云滄州久視山下出澄綠水其泉一百步投

之金石終不沉沒

明鄭若庸類雋

陝西涇州有碧泉洞其中水皆青色四時長流味苦

不堪食

清來元成博學彙書

長沙湘潭縣西南有碧泉天宝間石巖中泉忽湧出色按藍投物水中皆碧

同上

燕物類集

卷之九

水

屬

綠水

二



水之綠者一統志綠水在長沙府醴陵縣學前其水湧即泮池自地脉如絲如霧用白器入水酌而澄之其水深綠可以書每出則其歲登科者必多遇雨連陰則色淡上同

福寧州有藍溪源出大姥山每歲八月中溪水變藍相傳太姥浣衣居民候其時漚藍浣帛最佳上同

西湖志云玉泉寺故名淨空院南齊建元中僧曇起說法于此龍王來聽為之撫掌出泉遂建龍王祠前有池畝許清徹可鑑蓄五色魚數十頭游泳如畫

其泉溉田千頃傍一小池水翠綠雖以白粉投之亦

成綠色上同

入蜀紀見云香谿源出昭君村水味甚美載在水品色碧如黛令人可愛上同

耳談云罨畫溪水于橋左非有山林掩映而水成罨畫染色湛綠可鑑過橋淡白大異上同

并以揉藍名取其色也其說見於黃帝正統云鑿井而飲色如揉藍按易井冽寒泉食則非寒冽之類不可食矣揉藍即其義也然筆談曰瘴水烏脚不敢飲



飲即病瘴昔亦有梅花菴者墜於瘴沒頂乃出舉體  
 盡黑自謂必死而夙竟為之盡除此類又不知其為  
 何也豈非水色之有藍有烏者耶乃菴經又載黃山  
 東峯硃砂泉春水點茶色微紅又非水之色有定者  
 欵揉藍亦猶是也今崇之揉藍水味清潔果不同於  
 他水至云其水昔曾作漆則村俗不稽之譚耳武昌府志  
機謹按集事淵海載梅花圖墜於瘴水事而夙竟  
 作宿病

二色水



二色水

石陽縣有井水半青半黃黃者如灰汁取作粥飲悉作金色氣甚芬馥

唐段成式酉陽雜俎○津逮秘書

異物志曰廬陵城中有一井中有二色水半青半黃黃者灰汁取作糜粥皆金色土人名灰汁為金因名

為金井

淵鑑類函

謹按唐歐陽詢藝文類聚引異物志金色上有作字

廣博物志廣陵城中有一井半青半黃黃如灰汁取



作糜粥皆作金色而甚芬香

一云在吉安府城中口清來元成博學彙書

丹陽縣東南二里有雙井最古相去數尺南者色赤

北者色黑同上

藍泉縣東北半里俗名雙井相去僅尺許其色一藍

一綠其味一苦一甘遇旱淘之即雨

淄川縣志

宋葉永山川記廬陵城中有井水色青黃各半黃者

如灰以炊粥飯如金色芳香異常方輿記廬故城在

縣南一里晉成康末太守孔倫築永初所指即此城

也今不詳其處廬陵縣志

五色泉



五色泉

松江府有泉涌出成五色郡之士見之者其年必擢

高第大明一統志。明閔文振異物彙苑

五色泉在新昌縣西十里淨慧院土人取而酌之五

色鮮瑩明李東璧食物本草

水之具五色者述異記睢渙二水波五色成文故名

續水清來元成博學彙書


荆州五色潭水色上浮或成五色同上



博物類纂  
卷之十九



石駝瀨




博物類纂  
卷之十九

水屬

石駝瀨

一





石駝溺

石駝溺拘夷國北山有石駝溺水溺下以金銀銅鐵  
 瓦木等器盛之皆漏掌承之亦透唯瓢不漏服之令  
 人身上臭毛落盡得仙出論衡唐段成式酉陽雜俎  
 庭州灞水以金銀鐵器盛之皆漏惟瓠葉則不漏博物志  
 拘夷國北山有石駝溺水滴滴溺下如飴以金銀  
 銅鐵木瓦等器盛之皆漏掌承之亦透惟瓢不漏服  
 之令人身上屍毛落盡得仙太屯煌二萬里異苑石駝  
 溺其國有婆羅門守視西域記互見石明陳耀文天中記



石駝于閩國北五日行又有山山上石駝駝溺水滴  
下以金銀等器承之皆漏人掌亦漏唯瓠取不漏或  
熟之令入身臭皮毛改洽聞記○明陳  
耀文天中記  
穢謹按熱當作服

酸水



本草綱目卷之九

酸水

酸水在山西交城縣西北四十里少湯山下其味微

酸明李東璧  
食物本草


本草綱目卷之九

水屬 酸水


二



庶物類纂  
卷二十九



苦水



庶物類纂  
卷二十九

水屬

苦水

一




苦水

苦水在北直隸深澤縣東南苦水村昔漢光武經此  
患渴遣人取水人以惡水與之光武潑其水曰此處  
世喫苦水至今水味皆苦

明李東璧  
食物本草

本草綱目  
卷之九



甘水

本草綱目

水屬

甘水

一



甘水

述異記曰出虞淵八十里有甜溪水味如蜜東方朔  
得水數斛以獻武帝投水於井井水嘗甜寒洗沐則

肌理柔滑淵鑑類函

玄州在北海中去南岸十萬里上有芝生玄澗澗水

如蜜服之長生魚龍河圖○明陳耀文天中記

香水

一名香泉

食  
物  
本  
州

一名香井

博  
學  
彙  
書



香水

一說香水在并州其水香潔浴之去病吳故宮亦有香水溪俗云西施浴處人呼為脂粉塘吳主宮人濯粧於此溪上源至今馨香古詩云安得香水泉濯郎衣上塵俗說魏武帝陵中亦有泉謂之香水梁任昉述異記

郭○說

香泉在和曲州城南三里至春則生香氣土人每以二三月內具酒餼致祭然後汲之能愈諸疾明李東璧食物

州本



蕓泉在湘鄉縣城中泉香如椒蘭釀酒殊勝若參以

他水其味輒變明李東璧  
食物本草

入蜀記見云香谿源出昭君村水味美甚載在水品

色碧如黛令人可愛清來元成  
博學彙書

岱史云香井在岳南古岳廟前伍緝之從征記云泰

山廟前有大大井水極香冷異于凡水朱日藩詩曰廟

前香井識投錢同上

一統志和州北三十五里有平疴湯泉其水深碧沸


白香氣襲人有患瘡疥者飲之輒愈同上

應天府志湯溝泉西南三十五里水溫不寒有香氣

昭明太子常浴此呼為太子泉洪武間賜名香泉同上



庶物集  
卷二十九



5

5



